

AYUNTAMIENTOS**ARBO****EDICTO**

Polo pleno do concello en sesión de data 9 de decembro de 2011, acordouse a modificación da ordenanza xeral reguladora dos prezos públicos, delegando a facultade de fixación ou modificación así como os demais elementos variables dos prezos públicos na Xunta de Goberno Local.

Arbo, a 25 de xaneiro de 2012.—O Alcalde, Xavier Simón Fernández.

2012000977

* * *

PONTECALDELAS*Aprobación definitiva*

O Pleno da Corporación Municipal, en sesión ordinaria celebrada o 24 de novembro de 2011, aprobou provisionalmente a modificación e creación das ordenanzas fiscais seguintes:

- Ordenanza fiscal nº 1, reguladora da Taxa por Servizos de Matadoiro, Lonxas e Mercados, así como o carrexo de carnes se houbese de utilizarse dun modo obrigatorio; e servizos de inspección en materia de abastos, incluída a utilización de medios de pesar e medir.
- Ordenanza nº 2, reguladora do servizo municipal do mercado de abastos do Concello de Ponte Caldelas.
- Ordenanza nº 3, reguladora dos procedementos de outorgamento de licenzas urbanísticas e de actividades e dos procedementos de actividades e servizos sometidos ó réxime de declaración responsable ou comunicación previa, así como aprobación dos modelos de solicitude para os mesmos do Concello de Ponte Caldelas.

De conformidade co disposto no **Artigo 17**, apartados 1 e 2, do Real decreto legislativo 2/2004, do 5 de marzo, polo que se aproba o texto refundido da Lei reguladora das facendas locais, e 49 da Lei 7/85, de 2 de abril, Reguladora das Bases de Réxime Local o dito acordo expúxose no taboleiro de anuncios do Concello, procedéndose á súa publicación no BOP nº 235, do 9 de decembro de 2011.

Rematado o período de exposición pública de 30 días hábiles ao que refírese o apartado 1 do mencionado **Artigo 17** sen terse presentado reclamación ningunha, e de conformidade co preceptuado no apartado 3 do citado artigo, enténdese definitivamente adoptado o acordo sen necesidade de novo acordo plenario.

Consonte dispón o apartado 4 do **Artigo 17** indicado, procédese de seguido á publicación do texto íntegro das ordenanzas coas modificacións acordadas, sen que entren en vigor ata que se teña levado a cabo a presente publicación.

ORDENANZA FISCAL Nº 1**REGULADORA DA TAXA POR SERVIZOS DE MATADOIRO,****LONXAS E MERCADOS, ASÍ COMO O CARREXO DE CARNES SE HOUBESE DE UTILIZARSE****DUN MODO OBRIGATORIO; E SERVIZOS DE INSPECCIÓN EN MATERIA DE ABASTOS,****INCLUÍDA A UTILIZACIÓN DE MEDIOS DE PESAR E MEDIR****ARTIGO 1º.—NATUREZA E FUNDAMENTO**

No uso das facultades concedidas polos artigos 133.2 e 142 da Constitución, polo artigo 106 da lei 7/85, de 2 de abril, reguladora das Bases do Réxime Local, e de conformidade co disposto nos artigos 15 a 19 do Real Decreto Legislativo 2/2004, de 5 de marzo, polo que se aproba o Texto Refundido da Lei reguladora das Facendas Locais, este Concello acorda a imposición e ordenación da Taxa por servizos de matadoiro, lonxas e mercados, así como o carrexo de carnes se houbese de utilizarse de modo obrigatorio;

ARTIGO 2º.—FEITO IMPOÑIBLE

Constitúen o feito imponible da Taxa, a prestación dos servizos de matadoiro, lonxas e mercados, así como o carrexo de carnes se houbese de utilizarse dun modo obrigatorio; e servizos de inspección en materia de abastos, incluída a utilización de medios de pesar e medir.

ARTIGO 3º.—SUXEITOS PASIVOS

Serán suxeitos pasivos desta Taxa, as persoas físicas ou xurídicas e as entidades a que se refire o **Artigo 35,4** da Lei 58/2003, de 17 de decembro, Xeral Tributaria que soliciten ou resulten beneficiadas ou afectadas polos servizos ou actividades que se detallan na tarifa da Taxa.

ARTIGO 4º.—RESPONSABLES

Os supostos de responsabilidade, xa sexa subsidiaria ou solidaria, serán os previstos na normativa tributaria.

ARTIGO 5º.—COTA TRIBUTARIA

A cota desta Taxa esixírase de acordo co seguinte cadro de tarifas:

1.—Concesión de postos fixos.

Postos permanentes en laterais do mercado 1225,00 €.

Postos permanentes en bancada de venda de peixe, froitas e verduras 125,00€

2.—Cota ou canon anual.

Posto permanente en lateral do mercado, 663.32 €.

Posto permanente en bancada de venda de peixe, froitas e verduras, 94,75€.

ARTIGO 6º.—BENEFICIOS FISCAIS

Soamente se admitirán os beneficios que veñan establecidos en normas con rango de Lei ou deriven de Tratados ou Acordos Internacionais.

ARTIGO 7º.—DEVENGO

- a) Cando se trate de servizos non periódicos devéngase a Taxa e nace a obriga de contribuír cando se presente a solicitude de prestación do servizo ou actividade.
- b) Cando se trate de servizos non periódicos devéngase a Taxa e nace a obriga de contribuír o primeiro día de cada ano natural, excepto cando se produza a alta no Padrón, nese caso o devengo producirase a partir dese mesmo mes.

ARTIGO 8º.—LIQUIDACIÓN

1. Cando se trate de servizos non periódicos:

- a) Cando se trate de servizos ou actividades cuxa liquidación se pode cuantificar no momento de presentación da solicitude de prestación, liquidarase nese momento ou en momento posterior, pero sempre con carácter previo á prestación do servizo ou realización da actividade.
- b) Cando se trate de servizos ou actividades cuxa liquidación non se pode cuantificar no momento de presentar a solicitude de prestación do servizo ou realización da actividade, practícarase a liquidación unha vez prestado o servizo ou realizada a actividade.
- c) Se se realiza a prestación do servizo ou a actividade sen mediar solicitude, procederase a liquidar e notificar a taxa axiña que se detecte esta situación, esixíndose o ingreso nos prazos previstos no Regulamento Xeral de Recadación para as liquidación de contraído previo, sen prexuízo da apertura do oportuno expediente sancionador por infracción tributaria.

2. Cando se trate de servizos periódicos practicarase liquidación anual única ou coa periodicidade que se determine nas tarifas desta Taxa.

ARTIGO 9º.—INGRESO

1. Cando se trate de servizos non periódicos o pago da taxa realizarase:

- a) Cando se trate de liquidacións cuxa cuantificación se poida realizar antes da prestación do servizo ou realización da actividade, realizarase o ingreso antes da prestación do servizo ou realización da actividade, na Tesourería Municipal ou nas entidades financeiras que se sinalen na liquidación.
- b) Cando se trate de liquidacións cuxa cuantificación non se poida realizar con anterioridade á prestación do servizo ou realización da actividade, realizarase o ingreso nos prazos e lugares que se sinalen na liquidación.

2. Cando se trate de servizos periódicos, o ingreso da taxa realizarase nos prazos e lugares que se sinalen no edito de exposición ao público.

ARTIGO 10º.—INFRACCIÓNS E SANCIÓN

Nesta materia estarase ao disposto na Lei Xeral Tributaria e normativa de desenvolvemento.

ARTIGO 11º.—NORMAS DE XESTIÓN

1. As persoas ou entidades interesadas na prestación dos servizos que se citan no artigo segundo desta ordenanza, deberán presentar solicitude por escrito no que se detalle o tipo de servizo e lugar para o que se solicita e os demais requisitos que se esixan polo Concello.

2. Unha vez autorizada a prestación do servizo entenderase prorrogado mentres non se presente a declaración de baixa polo interesado, a non ser que se trate de servizos periódicos.

3. Cando se finalice a necesidade do servizo periódico, por cambio de propietario, etc., os suxeitos pasivos formularán as declaracións de baixa no Padrón da Taxa e fornecerá efectos no período anual seguinte ao de presentación da mesma, podendo, no seu caso, prorratearse por meses. A non presentación da baixa determinará a obriga de continuar aboando a Taxa.

DISPOSICIÓN FINAL

A presente modificación da Ordenanza Fiscal, unha vez aprobada polo Pleno da Corporación e publicada no Boletín Oficial da Provincia, entrará en vigor o 1 de xaneiro de 2012.

DISPOSICIÓN DERROGATORIA

Dende a entrada en vigor desta Ordenanza Fiscal queda derogada a anterior Ordenanza fiscal Reguladora da Taxa por servizo de matadoiros, lonxas e mercados así como o carrexo de carnes se houberse de utilizarse dun modo obrigatorio; e servizos de inspección en materia de abastos, incluída a utilización de medios de pesar e medir.

**ORDENANZA Nº 2
REGULADORA DO SERVIZO MUNICIPAL DO MERCADO DE ABASTOS
DO CONCELLO DE PONTE CALDELAS**

EXPOSICIÓN DE MOTIVOS

O Mercado de Abastos do Concello de Ponte Caldelas carece dunha regulamentación municipal específica na que se determine a súa organización e funcionamento.

E por este motivo que se aconsella aprobar un Regulamento municipal no que se estableza, polo miúdo, o réxime xurídico do mercado municipal así como a organización e funcionamento deste servizo